



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-00077/23
Datum: 13. 04. 2023. godine

KANTON SARAJEVO

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
N/r Elvedin Okerić, predsjedavajući

17-04-2023
[Signature]

PREDMET: Informacija, dostavlja se;

VEZA: Vaš akt, broj: 01-04-51808-8/22 od 30.12.2022. godine

Poštovani,

U skladu sa Vašim aktom, broj i datum veze, a koji se tiče Zastupničke inicijative zastupnice Danijele Kristić, upućene na Drugoj radnoj sjednici Skupštine Kantona Sarajevo, održanoj dana 30.12.2022. godine u kojoj je navedeno sljedeće: "Podnosim inicijativu za inspekcijskim nadzorom nad odlaganjem otpada pravnog lica Slastičarna La Delicia zbog protuzakonitog odlaganja otpada u kontejnere koje koriste građani u Jukićevoj ulici čime redovno zatrpavaju kontejnere, te građani ne mogu odložiti svoj otpad. Prema važećim zakonskim propisima svako pravno lice mora posjedovati vlastite posude za odlaganje otpada, te u iste odlagati svoj otpad."

Shodno zastupničkoj inicijativi, iz nadležnosti kantonalne komunalne inspekcije a vezano za odredbe Zakona o komunalnoj čistoći ("Sl.novine Kantona Sarajevo", br.14/16, 43/16, 19/17, 20/18 i 22/19), informišemo sljedeće:

Postupajući kantonalni komunalni inspektor je u cilju zaštite javnog interesa u komunalnim djelatnostima pokrenuo postupak inspekcijskog nadzora, preduzimanjem inspekcijskih radnji na utvrđivanju činjeničnog stanja radi izvršavanja zakona i drugih propisa a uvažavajući ozbiljnost problema obratio se i Službi komunalnih redara KJKP "RAD" d.o.o. Sarajevo koja osigurava neposrednu zaštitu komunalne čistoće, da izvrše kontrole na licu mjesta i dokaze o utvrđenom činjeničnom stanju dostave ovom Inspektoratu. Služba komunalnih redara KJKP "RAD" d.o.o. Sarajevo je izvršila kontrolu dana 06.01.2023. godine u ulici Jukićeva, Općina Centar i na licu mjesta nisu uočili nepropisno odlaganje otpada, od strane pravnog lica "La Delicia" d.o.o. Prilikom kontrole je zatečeno uredno stanje, čista javna površina i prostor oko posuda za odlaganje otpada. Postupajući kantonalni komunalni inspektor je dana 30.01.2023. godine izvršio inspekcijski nadzor na licu mjesta u ulici Jukićeva iza broja 124 na okolnosti nepropisnog odlaganja otpada i u trenutku kontrole nije zatečeno vršenje nedozvoljenih aktivnosti odnosno nepropisno odlaganje otpada na

javnu površinu. Služba komunalnih redara KJKP "RAD" d.o.o. Sarajevo je po zahtjevu ovog Inspektorata dostavila Službenu zabilješku broj: 11-055-15/23 od 06.02.2023. godine u kojoj je navedeno da pravni subjekt "La Delicia" ne posjeduje vlastite posude za odlaganje otpada što je u suprotnosti sa članom 29. Zakona o komunalnoj čistoći ("Sl.novine Kantona Sarajevo", br.14/16, 43/16, 19/17, 20/18 i 22/19). Pored navedene službene zabilješke dostavljeno je i zatraženo mišljenje KJKP "RAD" d.o.o. Sarajevo, pogon javna higijena i održavanje javnih saobraćajnica, za nabavku odgovarajuće posude za odlaganje otpada broj:03-01-04/2646/23 u kojem je navedeno da je prijedlog rukovodioca radne jedinice Centar i Stari Grad da pravni subjekt "La Delicia" koja se nalazi u ulici Branilaca Šipa broja 6A izvrši nabavku 2 (dvije) posude-kontejnera kapaciteta 1100 l, te iste smjesti pored posuda TC Robot.

Shodno naprijed navedenom utvrđenom činjeničnom stanju postupajući inspektor je djelovao upravnom mjerom izdavanjem rješenja o otklanjanu nepravilnosti subjektu nadzora "La Delicia" za objekat u ulici Branilaca Šipa broj 6A. Također Služba komunalnih redara KJKP "RAD" d.o.o. Sarajevo je po zahtjevu ovog Inspektorata izvršila kontrolu i za objekat "La Delicia" u ulici Patriotske lige broj 38. U dostavljenoj Službenoj zabilješci broj: 11-055-14/23 kao i mišljenju pogona javna higijena i održavanje javnih saobraćajnica KJKP "RAD" d.o.o. Sarajevo broj: 03-01-04/2645/23 je navedeno da pravno lice "La Delicia" sa objektom koji se nalazi u ulici Patriotske lige broj 38 već ima regulisan odvoz otpada putem pvc kesa.

Služba komunalnih redara KJKP "RAD" d.o.o. Sarajevo koja vrši neposrednu zaštitu komunalne čistoće će i u narednom periodu vršiti kontrole na predmetnim lokacijama sa ciljem sprečavanja eventualno nepropisnog odlaganja otpada.

S poštovanjem,

V.D. DIREKTOR

Adis Mešić

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a